



古文孝經



服部文庫  
117  
267



117  
267

古文孝經序

孔安國

孝經者何也。孝者人之高行。經常也。自有天地  
人民以來。而孝道著矣。上有明王。則大化滂流。  
充塞六合。若其無也。則斯道滅息。當吾先君孔  
子之世。周失其柄。諸侯力爭。道德既隱。禮誼又  
廢。至乃臣弑其君。子弑其父。亂逆無紀。莫之能  
正。是以夫子每於閒居。而歎述古之孝道也。夫  
子敷先王之教於魯。之洙泗門徒三千。而達者

七十有二也。貫首弟子顏回、閔子騫、冉伯牛、仲弓。性也。至孝之自然，皆不待諭而寤者也。其餘則悻悻憤憤，若存若亡，唯曾參躬行匹夫之孝，而未達天子諸侯以下，揚名顯親之事。因侍坐而諮問焉。故夫子告其誼。於是曾子喟然知孝之爲大也。遂集而錄之，名曰孝經。與五經並行於世。逮乎六國學校衰廢，及秦始皇焚書坑儒，孝經由是絕而不傳也。至漢興，建元之初，河間王得而獻之。凡十八章，文字多誤。博士頗以教

授。後魯共王使人壞夫子講堂於壁中，石函得古文孝經二十二章，載在竹牒，其長尺有二寸，字科斗形。魯三老孔子惠抱詣京師獻之。天子使金馬門待詔學士與博士羣儒從隸字寫之。還子惠一通，以一通賜所幸侍中霍光，光甚好之。言爲口實。時王公貴人咸神祕焉。比於禁方。天下競欲求學，莫能得者。每使者至魯，輒以人事請索，或好事者募以錢帛，用相問遺。魯吏有至帝都者，無不齎持以爲行路之資。故古

文孝經初出於孔氏而今文十八章諸儒各任意巧說分爲數家之誼淺學者以當六經其大車載不勝反云孔氏無古文孝經欲矇時人度其爲說誣亦甚矣吾愍其如此發憤精思爲之訓傳悉載本文萬有餘言朱以發經墨以起傳庶後學者覩正誼之有在也今中祕書皆以魯三老所獻古文爲正河間王所上雖多誤然以先出之故諸國往往有之漢先帝發詔稱其辭者皆言傳曰其實今文孝經也昔吾逮從伏生

論古文尚書誼時學士會云出叔孫氏之門自道知孝經有師法其說移風易俗莫善於樂謂爲天子用樂省萬邦之風以知其盛衰則移之以貞盛之教淫則移之以貞固之風皆以樂聲知之知則移之故云移風易俗莫善於樂也又師曠云吾驟歌南風多死聲楚必無功卽其類也且曰庶民之愚安能識音而可以樂移之乎當時衆人僉以爲善吾嫌其說迂然無以難之後推尋其意殊不得爾也子游爲武城宰作

孝經 序  
絃歌以化民武城之下邑而猶化之以樂故傳  
曰夫樂以關山川之風以耀德於廣遠風德以  
廣之風物以聽之脩詩以詠之脩禮以節之又  
曰用之邦國焉用之鄉人焉此非唯天子用樂  
明矣夫雲集而龍興虎嘯而風起物之相感有  
自然者不可謂毋也胡笳吟動馬蹠而悲黃老  
之彈嬰兒起舞庶民之愚愈於胡馬與嬰兒也  
何為不可以樂化之經又云敬其父則子說敬  
其君則臣說而說者以為各自敬其為君父之

道臣子乃說也余謂不然君雖不君臣不可以  
不臣父雖不父子不可以不子若君父不敬其  
為君父之道則臣子便可以忿之邪此說不通  
矣吾為傳皆弗之從焉也

序 終

孝經

開宗明誼章第一

曾尼問居曾子侍坐子曰參先王有至德要道

以訓天下民用和睦上下亡怨女知之乎曾子

辟席曰參不敏何足以知之乎子曰夫孝德之

本也教之所繇生也復坐吾語女身體髮膚受

之父母不敢毀傷孝之始也立身行道揚名於

後世以顯父母孝之終也夫孝始於事親中於

事君終於立身大雅云克念爾祖秉脩其德



天子章第二

子曰愛親者不敢惡於人敬親者不敢慢於人愛敬盡於事親然後德教加於百姓刑於四海蓋天子之孝也呂刑云一人有慶兆民賴之

諸侯章第三

子曰居上不驕高而不危制節謹度滿而不溢高而不危所以長守貴也滿而不溢所以長守富也富貴不離其身然後能保其社稷而和其民人蓋諸侯之孝也詩云戰戰兢兢如臨深淵

如履薄冰

卿大夫章第四

子曰非先王之法服不敢服非先王之法言不敢道非先王之德行不敢行是故非法不言非道不行口亡擇言身亡擇行言滿天下亡口過行滿天下亡怨惡三者備矣然後能保其祿位而守其宗廟蓋卿大夫之孝也詩云夙夜匪解以事一人

士章第五

子曰。資於事父以事母。其愛同。資於事父以事君。其敬同。故母取其愛而君取其敬。兼之者父也。故以孝事君則忠。以弟事長則順。忠順不失。以事其上。然後能保其爵祿。而守其祭祀。蓋士之孝也。詩云。夙興夜寐。亶忝爾所生。

庶人章第六

子曰。因天之時。就地之利。謹身節用。以養父母。此庶人之孝也。

孝平章第七

子曰。故自天子以下。至於庶人。孝在終始。而逮不及者。未之有也。

三才章第八

曾子曰。甚哉。孝之大也。子曰。夫孝。天之經也。地之誼也。民之行也。天地之經。而民是則之。則天之明。因地之利。以訓天下。是以其教不肅而成。其政不嚴而治。先王見教之可以化民也。是故先之以博愛。而民莫遺其親。陳之以德誼。而民興行。先之以敬讓。而民不爭道。之以禮樂。而民



和睦示之以好惡而民知禁詩云赫赫師尹民具爾瞻

孝治章第九

子曰昔者明王之以孝治天下也不敢遺小國之臣而況於公侯伯子男乎故得萬國之歡心以事其先王治國者不敢侮於鰥寡而況於士民乎故得百姓之歡心以事其先君治家者不敢失於臣妾之心而況於妻子乎故得人之歡心以事其親夫然故生則親安之祭則鬼享之

是以天下和平災害不生禍亂不作故明王之  
以孝治天下也如此詩云有覺德行四國順之

聖治章第十

曾子曰敢問聖人之德亡以加於孝乎子曰天  
地之性人為貴人之行莫大於孝孝莫大於嚴  
父嚴父莫大於配天則周公其人也昔者周公  
郊祀后稷以配天宗祀文王於明堂以配上帝  
是以四海之內各以其職來助祭夫聖人之德  
又何以加於孝乎是故親生毓之以養父母日

嚴聖人因嚴以教敬。因親以教愛。聖人之教不  
肅而成。其政不嚴而治。其所因者本也。

父母生績章第十一

子曰。父子之道。天性也。君臣之誼也。父母生之。  
績莫大焉。君親臨之。厚莫重焉。

孝優劣章第十二

子曰。不愛其親而愛他人者。謂之悖德。不敬其  
親而敬他人者。謂之悖禮。以訓則昏。民亡則焉。  
不宅於善。而皆在於凶德。雖得志。君子弗從也。

君子則不然。言思可道。行思可樂。德誼可尊。作  
事可法。容止可觀。進退可度。以臨其民。是以其  
民畏而愛之。則而象之。故能成其德教。而行其  
政令。詩云。淑人君子。其儀不忒。

紀孝行章第十三

子曰。孝子之事親也。居則致其敬。養則致其樂。  
疾則致其憂。喪則致其哀。祭則致其嚴。五者備  
矣。然後能事其親。事親者。居上不驕。為下不亂。  
在醜不爭。居上而驕。則亡。為下而亂。則刑。在醜

而爭則兵此三者不除雖日用二牲之養繇為不孝也

五刑章第十四

子曰五刑之屬三千而臯莫大於不孝要君者亡上非聖人者亡法非孝者亡親此大亂之道也

廣要道章第十五

子曰教民親愛莫善於孝教民禮順莫善於弟移風易俗莫善於樂安上治民莫善於禮禮者

敬而已矣故敬其父則子說敬其兄則弟說敬其君則臣說敬一人而千萬人說所敬者寡而說者衆此之謂要道也

廣至德章第十六

子曰君子之教以孝也非家至而日見之也教以孝所以敬天下之為人父者也教以弟所以敬天下之為人兄者也教以臣所以敬天下之為人君者也詩云愷悌君子民之父豈非至德其孰能訓民如此其大者乎

應感章第十七

子曰昔者明王事父孝。事天明。事父母。故事  
地。察長幼。順故。上下治。天地明。察鬼神。章矣。故  
雖天子必有尊也。言有父也。必有先也。言有兄  
也。必有長也。宗廟致敬。不忘親也。脩身慎行。恐  
辱先也。宗廟致敬。鬼神著矣。孝弟之至。通於神  
明。光於四海。亡所不暨。詩云。自東自西。自南自  
北。亡思不服。

廣揚名章第十八

子曰君子事親孝。故忠可移於君。事兄弟。故順  
可移於長。居家理。故治可移於官。是以行成於  
內。而名立於後世矣。

閨門章第十九

子曰閨門之內。具禮矣乎。嚴親嚴兄。妻妾臣妾。  
繇百姓徒役也。

諫爭章第二十

曾子曰若夫慈愛龔敬。安親揚名。參聞命矣。敢  
問子從父之命。可謂孝乎。子曰參。是何言與。是

何言與言之不通邪昔者天子有爭臣七人雖  
亡道不失天下諸侯有爭臣五人雖亡道不  
其國大夫有爭臣三人雖亡道不失其家士有  
爭友則身不離於令名父有爭子則身不陷於  
不誼故當不誼則子不可以不爭於父臣不可  
以不爭於君故當不誼則爭之從父之命又安  
得為孝乎

事君章第二十一

子曰君子之事上也進思盡忠退思補過將順

其美匡救其惡故上下能相親也詩云心乎愛  
矣遐不謂矣忠心臧之何日忘之

喪親章第二十二

子曰孝子之喪親也哭不依禮亡容言不文服  
美不安聞樂不樂食旨不甘此哀戚之情也三  
而食教民亡以死傷生也毀不滅性此聖人之  
正也喪不過三年示民有終也為之棺槨衣衾  
以舉之陳其簋簠而哀戚之哭泣擗踊哀以  
之上其宅兆而安措之為之宗廟以鬼享之春

秋祭祀以時思之生事愛敬死事哀戚生民之  
 本盡矣死生之誼備矣孝子之事終矣  
 孝經終

春臺先生訓點

延享元申子夏五月日

再板

天保六乙未夏五月日

江右本橋南二町目

東都 高山房 小林新兵衛梓

書林高山房藏板目錄

東都日本橋通二丁目角 小林新兵衛

古文孝經 春臺先生校正 全

繪本孝經 蕙齋先生畫 全一冊

同 山子點 全 ○ 同標注 全

忠經集注詳解 漢馬融撰 全一冊

同 正文 全 同白文大字 全

同 經典餘聞 高蘭山先生撰 全一冊

同 片假名附 全 同平仮名附 全

同 繪本忠經 同撰 全一冊

同 參疏 兼山先生著 全三冊

同 幼學指南 土雲軒老人撰 全一冊

同 私記定本 朝川善庵先生著 全三冊

同 孔子家語國字解 晚村先生撰 全三冊

同 足利本 全 同 清原照 全

同 繪本忠經 同撰 全一冊

同 國字解 全 同 國字辨 全三冊

同 幼學指南 高蘭山先生撰 全一冊

同 家注 全 同 和字訓 全

同 孔子家語國字解 晚村先生撰 全三冊

同 講釋 太宰先生講說并先生序并片かな  
ニテ注又初學ノ為ニルベキ書ナリ

同 孔子家語國字解 晚村先生撰 全三冊

同 小解 滿前大儒 熊沢了然先生講說 全二冊

同 孔子家語國字解 晚村先生撰 全三冊

同 孝經 素讀本 善齋氏著 全

同 孔子家語國字解 晚村先生撰 全三冊

同 經典餘聞 高井朝山先生撰 全

同 孔子家語國字解 晚村先生撰 全三冊

